

E Dande original



PAGINA Social



ORANJESTAD (AAN) -- Fin di aña tabata tin Dande rond Aruba aunke cu e ambiente no tabata manera antes pasobra hopi famia no tabata tin suficiente placa pa celebra Pasco y Aña Nobo manera costumbr. Esaki no a kita afor cu den e barío di Noord Cura Cay, Brazil y Mabon famianan cu tabata custumbra di haya nan Dande original na porta no por a celebra nan cuminsamento di aña 2007 cu tremendo presentacion di e grupo di Vicente Ras. Vicente Ras manera costumber den barío, a presenta su Dande original cu tocamento original y canticanan original y te hasta por bisa cu nan lo ta e unico of un di e poconan cu ainda a keda na Aruba cu ta presenta, toca y canta e Dande original. Ta di spera cu e aña aki esnan encarga cu cultura na Aruba cuminsa acerca Vicente Ras y su grupo pa duna les di Dande na muchanan hoben cu tardi of tempran lo tin cu bay tuma over e Dande original cu casi no tey mas na Aruba. Tin varios grupo di Dande cu ta pasa di cas pa cas pero e mayoría ta pasa di negoshi pa negoshi unda cu e Dande a bira algo super commercial y no ta dirigi mas riba e famia arubiano y su costumbrnan di haya su Dande canta na porta di cas y cu e texto nan clasico. Un pabien grandi ta bay na Vicente Ras y su grupo pa un otro presentacion exitoso di Dande original na fin di aña y cu Dios por drama su bendicion riba nan pa nan lo por tey otro aña atrobe.